

西北稀見方誌文獻

第九卷

中國西北文獻叢書



中國西北文獻叢書·第一輯

西北稀見方誌文獻

第九卷



續修陝西通志稿目錄

卷一百十三

人物四十 列女十三

卷一百十四

人物四十一 列女十四

卷一百十五

人物四十二 列女十五

卷一百十六

人物四十三 列女十六

卷一百十七

人物四十四 列女十七

卷一百十八

人物四十五 列女十八

卷一百十九

人物四十六 列女十九

卷一百二十

人物四十七 列女二十

續陝西通志稿卷首目錄

卷一百二十一

人物四十八 列女二十一

卷一百二十二

人物四十九 列女二十二

卷一百二十三

人物五十 列女二十三

卷一百二十四

十二

祠祀一 西安府

卷一百二十五

祠祀二 同州府 漢中府 鳳翔府 乾州 邠州

卷一百二十六

祠祀三 延安府 高州 榆林府 綏德州 鄜州

卷一百二十七

荒政一 賑卹

卷一百二十八

荒政二 調緩

卷一百二十九

荒政三 善舉

卷一百三十

荒政四 捐助

卷一百三十一

古蹟一 名勝 陵墓 寺觀

卷一百三十二

古蹟二 名勝 陵墓 寺觀

續陝西通志稿卷首目錄

卷一百三十三

古蹟三 名勝 陵墓 寺觀

卷一百三十四

古蹟四 名勝 陵墓 寺觀

卷一百三十五

金石一 上古 夏 殷 周

卷一百三十六

金石二 周

十二

卷一百三十七

金石三

周

卷一百三十八

金石四

秦漢

卷一百三十九

金石五

漢

卷一百四十

金石六

魏晉秦

北魏

北周

卷一百四十一

金石七

隋唐

卷一百四十二

金石八

唐

卷一百四十三

金石九

唐

卷一百四十四

金石十

唐

續陝西通志稿

卷首目錄

卷一百四十五

金石十一

唐

卷一百四十六

金石十二

唐

卷一百四十七

金石十三

唐

卷一百四十八

金石十四

唐

卷一百四十九

金石十五

唐

卷一百五十

金石十六

唐

卷一百五十一

金石十七

唐

卷一百五十二

金石十八

唐

卷一百五十三

金石十九

唐

五代

卷一百五十四

金石二十

宋

卷一百五十五

金石二十一

宋

卷一百五十六

金石二十二

宋

續陝西通志稿

卷首目錄

十三

十四

續修陝西通志稿卷一百十三

人物四十

列女十三

郿縣

楊氏生員師以風母被流賊劫擄罵不屈死之其媳王氏見姑遇害挺身救亦被殺府縣以節烈雙峙旌吳氏趙瑾姜瑾歿年二十六自分身微年幼恐必再嫁葬甫畢潛自刎死

劉氏諸生王麒妻嫁逾年麒歿年二十五有殊容媒介圖焉氏誓天守志課子耕讀守節六十餘年縣令旌曰正節

薛氏侍御劉九經外祖許某妻生子女三人許歿遺產不及中人而外因徵徭內逼毒宗氏母子瀕危乃拮据任勞支撐六十餘年壽八十餘終

續陝西通志稿卷一百十三 人物四十

一一

蔡氏張祿妻祿死遺孤僅兩月氏年二十二艱辛不渝嚴督教導及孫統爲僉判苦節五十餘年學使縣令俱旌曰正節

孔氏王某妻夫亡年甫十六哭絕復甦者再三遺孤零丁無依氏美姿容有圖其改行者毀容自廢矢死靡他守節三十餘年以壽終

牛氏劉氏王汝登妻妾汝登歿氏年俱幼齡遺孤珊璞俱劉出牛撫之如己子二氏備極艱苦後珊入邑庠璞重鄉評大府以世發其祥旌之

王氏通判趙汝礪妻汝礪卒遺子幼穉困苦不堪氏撫之成人入邑庠娶婦楊氏子又歿楊事孀姑撫弱子甘心守節人稱雙美胡氏生員蘇宇妻名宦胡九思孫女淑貞自守素以孝聞宇歿矢志不移治家嚴肅享壽八十次子必庭舉明經

彭氏舉人李華先妻華先爲聞喜令卒於任所氏艱苦跋涉扶輓歸葬撫子完少年入泮常氏生員張景仲妻夫歿青年誓志苦節終身

周氏生員張胤長妻夫歿撫二子入庠冰操凜然終身不渝孫氏生員趙瑛趙琛祖母柳氏瑛琛母姑媳俱青年守節撫子成名劉氏生員楊銘母守節撫孤學使旌曰苦節維風史氏生員段乃成妻夫死矢志完貞撫子儲錦成立

劉氏師學憲妻年十八于歸越七年夫亡遺子三齡氏備歷險阻終不改節壽八十四卒其子資入庠事母亦以孝聞仰氏安樂妻年二十六夫亡甘貧守節壽七十五終子調鼎孫履俱入庠邑令以節節和熊旌之

白氏生員岳生伯妻生伯歿氏年十九孝事衰翁教子璋食廩餼續陝西通志稿卷一百十三 人物四十

二二

璋亡撫孫志翔入邑庠又歿復養二曾孫亦不祿苦節四十七年閭庠公請旌表

師氏張錦妻年二十三錦歿遺二子長早殤次復瞽氏甘守冰蘖壽五十五卒王氏岳德靈妻年十八適德靈越七年夫亡撫遺孤河入泮守節三十餘年

何氏武生賀恪妻賢淑成性年十九恪亡遺孤三月氏柏舟自誓不以貧困易其志守節三十九年傅氏楊弘義妻弘義暴歿氏年二十八子甫一歲孤苦無依晝日不再炊而氏矢志益堅苦節終身張氏監生王中道妻年二十六夫亡遺二子俱幼值奇荒藁葬不充氏忍饑茹苦撫子成立壽七十八卒次子永清列邑庠嚴氏田爾恒妻夫歿年二十四遺子在抱氏孝姑鞠子並諸姪終身人無閒言

傅氏貢生王鎬妻性貞靜事姑至孝鎬初無子勸以姪承武爲嗣後生子續武無偏愛續武甫二歲鎬亡時氏年二十八蔬食素服凜凜自持三十年內外翁然後承武登明經續武入府庠閩邑公請旌表

梁氏生員趙泌妻夫亡無子氏年二十四冰操自矢勤苦持家撫弟子爲嗣愛如己出馬氏生員王勳妻夫亡年二十六家貧親老子甫數月氏善事舅姑教子咸修食廩鄉人稱之

白氏張炳妻年二十而寡撫二幼孤上事祖父母及姑胥賴十指以博饗殮麻氏孫梅妻事姑以孝稱年二十一夫亡子甫二齡氏誓志甘貧守節五十七年

趙氏李桂妻生子月餘桂得暴疾歿氏立志撫孤六十年履苦受辛恒如一日賈氏梁廷望妻年二十三夫亡遺子在襁褓正值饑續陝西通志稿卷一百十三人物四十

荒氏食糠粃嚼菜根貞操不改

張氏汝志昇妻年二十五孀居撫幼孤或勸改適堅拒之四十年艱辛不渝王氏史開肇妻年十七于歸越三年開肇亡無所出氏矢志靡他撫姪爲嗣每歲時設祭取夫所讀書陳列哀奠鄰里聞其哭聲莫不酸楚

馮氏李代妻年二十八夫死子甫三齡值饑荒糟糠不充氏誓志不移二弟婦亦相繼亡各遺一孩氏兼撫育愛同己子俾皆成立守節五十餘年鄉黨同議諸旌氏聞知曰從一而終猶子比兒乃婦道之常何敢倖邀旌典堅拒不允後邑令以節義可風表其閭焉

李氏魏用蘭妻年二十二孀居孝事舅姑家貧舅姑歿女殮葬備歷艱苦守節三十五年師氏王巍妻年二十九夫亡事衰姑極

孝子女婚娶皆出氏紡績之資壽六十八卒

齊氏歲貢生楊崇文妻崇文遊學於外值蜀匪賈環入境劫掠村堡崇文父起鳳爲賊所執刀傷頭顱村驚逃氏冒及護救哀號激烈賊義而釋之翁傷甚劇氏備盡孝養五子九孫後皆成名壽九十一

汪氏勉贈資政大夫王永春妻年二十一而寡事姑先意承志克代子職遺孤景龍甫三齡賴氏教養成立爲邑名諸生孀居五十餘載孫育秀登道光丁酉賢書氏猶及見之卒年七十有五旌表節孝建坊入祠以曾孫步瀛貴贈夫人

李氏儒童楊家昌妻年二十餘夫歿無出事翁備極孝敬翁逝叔尙幼氏擘畫經營喪葬一衷於禮爲完婚撫姪子女恩養周摯叔以情蕩產氏恃鍼術自給處之泰然守節四十餘年

續陝西通志稿卷一百十三人物四十

四

鄧氏王森妻年十七于歸越三歲而寡僅一女撫兄子爲嗣不幸女殤子天氏矢志不渝奉尊嫜孺篤孝養翁患水腫醫家謂非土狗莫愈時值隆冬氏愁思輾轉更闌忽聞地下唧唧有聲潛以釵誌其處掘之果土狗也服之病良已侍姑疾衣不解帶者數月姑令稍休少選復至其純孝蓋出於天性云

李氏宋國祥妻夫歿氏年二十二矢志靡他兄弟附生國均子元壽爲嗣治家肅整勞怨不辭娣姒子姪輩咸敬憚之元壽娶邑人王侍御步瀛之女元壽死遺孤周歲亦殤兩世苦節旌表如何洪氏陳世秀妻青年孀居家貧甚氏井臼畝畝撙節過于丁男撫孤成立家道漸豐卒年六十有八儒學溫海涵請旌於朝並樹碣焉

王氏附生汝懷珍妻年二十五夫亡子甫六歲家中落氏苦心經

營四十餘年家道賴以恢復子孫亦多能自立卒年六十有六
汪氏儒童王孝純妻年十七于歸歲餘夫暴亡氏矢志柏舟奉尊
嫜及伯叔翁姑均能得其歡心已無出撫姪孳爲嗣旋殤含辛茹
苦卒年三十有九旌表如例

張氏焦煥妻年二十五夫亡撫孤持家幼勤備至守節五十餘年
晚歲孫曾繞膝撥芹舞彩人皆以謂苦節之報

李氏張廣妻夫亡氏年二十二貧無立錫子四齡攜赴某紳家傭
炊子附塾藉讀詩書久之積貲謀爲子授室娶有日矣子竟遭疫
死氏一慟幾絕尋賃居土室仍資傭爲生櫛風沐雨孤苦零丁而
氏胸次坦然行乎貧賤無絲毫妄念無晷刻暇逸卒年五十有九
古稱鐵石心腸若氏者庶幾近之

蕭氏附生蕭樹助女附生王憲妻夫病歿氏年甫逾二十無出盟
續陝西通志稿卷一百十三人物四十 五

心誓志不斤斤於擗踊哭泣人或疑之而不知氏堅貞素定出自
性生非一時激於情感未必盡能持久者可比故能不計境遇之
豐約子息之有無食苦甘貧數十年如一日以宣統元年卒年六
十有二

樂氏劉鐸妻年二十一而孀貧十指孝養翁姑撫育遺子守節四
十六年杜氏王玉琳妻年喪夫之死靡他撫子管艱辛萬狀管
又早逝以宣統元年卒年七十旌表如例

口氏廩生張秀升母寡鵠早詠匪石盟心窶甚經紀家政而外所
宵紡績所贏課子且耕且讀卒得食餼孫曾繩繩比老嫠作猶能
兼人卒年八十餘岳氏宋國口繼妻明敏端慧夫病歿氏值青春
鞠誨藐孤椿柱門戶賓祭必蠲絮豐腆逢夫忌日哭奠盡哀持經
禮佛樂善好施卒年六十

岳氏王清彥妻青年喪夫矢志撫孤子孫卒能成立苦節四十餘
年七十三歲卒

王貞女字儒童趙瑜未嫁而瑜歿女年十七聞耗奔喪哭盡哀遂
留不歸事祖姑翁姑終其天年撫嗣子與姪並成立艱難椿柱四
十餘載道光中邑令褚裕仁同治中邑令高偉曾及歷任儒學均
有褒題咸豐丁巳邑宰姑藏陳作樞爲賦貞女篇岐山武子仙孝
廉澄和以樂府五章長安柏先生景偉及合邑士紳更釀貲刊石
以資闡揚

楊烈女邑南曲潑人幼失怙年十五字於莊口匪之亂與母同被
俘賊逼之不從將殺其母女給之曰若釋吾母吾隨若去不然者
得從吾母於泉下足矣賊遂舍其母扶女馬上北行十餘里過故
居石頭窖會天將暮女仰天長嘆曰吾得死所矣聳身墜馬下觸
續陝西通志稿卷一百十三人物四十 六

石而死以家貧旌表不及論者惜之光緒初有作巫事者傳言歿
後服務王母宮刻將施醫濟世報生前養育恩前後十餘年患病
延診者輒奏奇效邑附生劉克篤爲之記

貞女口氏煙霞村趙某聘妻趙早夭女歸守義上孝翁姑下撫嗣
子玉潔冰清名噪一時捻匪之亂氏避小廟中賊奪門將入忽黑
闇大驚馳去村人被俘者傳出此訊聞者欽慕晚歲境益窘背則
子夜紡績晝則荷鋤南畝怡然自得毫無怨悔卒年七十餘

孝女處士王威如女增生維熊之妹也生而厚重然貌寢身矮父
一日戲問曰若願作孝女長依我膝下乎則應曰諾自此矢志不
字侍養雙親者二十年父歿事母又二十餘年甘旨女紅而外長
齋繡佛足不履城市目不寓歌舞卒年六十有一嘉慶三年教匪
出斜峪一時婦女守義捐軀者甚衆其尤著者如增生劉春之母

傳雪梅附生傳占魁女適李遇口匪逼之不從強之大罵說旁有
智井奮身躍入死之陳氏孫二妻爲口匪所執憤罵賊斷其臂罵
益厲賊寸磔之岳氏廩生王錦雲妻同治中與夫同爲賊擄夫被
害氏掇之不得撲井死時年二十二孫氏陳文昌妻與夫弟文運
姊張氏同避難於石嘴之高審賊攻之急衆議降二氏泣阻之俄
而文昌兄弟被熏垂斃二氏赴火死

附同治五年殉難旌表婦女姓名

妻某烈	妻烈
妻某烈	張婦
女子段氏	氏許
金劉某	曹氏
花某	某段
	妻某
	孫妻
	氏劉
	杜氏
	某屈
	妻福
	范盈
	氏妻
	張郭
	某氏
	妻楊
	樊大
	氏偶
	張妻
	某朱
	氏
	開室
	氏福
	孫朋

續陝西通志稿 卷一百十三 人物四十

七

麟遊

劉氏生員呂引年少英敏爲人陷死氏痛之葬將投穴以殉家人防止之復自經救免送歸母家父諭之曰若死如舅姑何乃毀容事親孝養備至有欲奪其志者嘗嚙指以示無他苦節三十八年

張氏廩生甄栢妻栢疾篤囑令他適氏泣曰生爲甄氏婦死爲甄氏鬼矧有遺孤在耶及夫卒哀慟欲絕時年二十子甫五月翁姑新亡三柩在堂氏勉力營葬毀容杜門茹苦支持教子卒成諸生壽九十餘終

劉氏侯禹臣妻禹臣歿氏年二十五即自縊以救免葬時復投穴傷膊輿歸以孤幼勸解乃已家固貧耕織自給撫子卒克成立陳氏生員何呈圖妻年二十夫亡剪髮納棺中以志撫遺子汰三

擇師教之汰三卒登賢書守節六十年壽八十無疾終

呂氏何訟妻翁任通州廣文謚隨侍歿于任所氏年二十子僅周齡痛夫病死異鄉嘔血幾死及歸扶櫬步行每至逆旅抱子撫棺悲號聞者哀之抵家已無人狀葬畢一貧如洗茹荼自甘苦節四十餘年

郝氏趙應乾妻年二十二而寡二子俱幼依叔姑度日勤儉苦節歷大兵荒不奪其志二子俱成立年八十四卒劉氏生員呂挺妻芳年守志撫二子相繼殤零丁無依紡績自給以壽終董氏生員石可貞妻可貞疾篤氏禱神代死及卒痛不欲生母以幼孤勸解乃稍安越二年子殤氏位夫木主于臥室焚香自縊家人覺救不及香猶爇萬歷間旌之

樊氏生員何伯鑑妻李氏生員甄一鵬妻趙氏何洛妻劉氏平湖
續陝西通志稿 卷一百十三 人物四十 八一

縣丞魏俊妻俱嫠居守義教子入庠苦節見重鄉里

馬氏監生甄輔妻侯氏監生田孔殷妻呂氏儒士劉麟妻劉氏生員侯練妻劉氏寧極亭妻俱青年矢志守節終身有司曾旌其門苟烈女苟尙忠女年甫及笄值流寇擾境被擄女即毀面厲罵不絕口遂遇害趙氏生員趙玉堂妻家貧常以紡績佐夫讀被流寇劫掠義不受辱墜崖死後玉堂領鄉薦歷官御史贈孺人

魏氏生員呂擢妻年二十七而寡翁姑衰老遺孤孱弱仰事俯畜

孝慈兼盡後翁姑俱以上壽終二子並入庠氏年六十五卒楊氏

呂連妻呂氏何其偉妻俱青年誓志白首完貞

趙氏李儀鳳妻夫亡年二十四無翁姑家徒四壁氏曉夜紡績易粟而食拾薪而炊歷五十年男女皆婚嫁後更雲礽繁衍

李氏生員劉寧繼室年十七于歸二十一而夫亡母家憐其少欲

改適氏剪髮誓守幽居一室親族罕覩其面撫前室子紡織助讀獲入泮里人謂其貞靜有禮

沈氏劉元命妻年二十二夫亡家極貧誓不改適姑歿舅存竭力奉事克盡婦道生父無嗣迎養於家十數年晨昏不忘歿葬以禮與男無異

劉氏李溶妻溶生而愚癡氏畧無憎嫌年二十二溶亡遺一子一女舅姑憐其少欲改適氏不從堅志守節孝養舅姑慈撫兒女官師皆表其門

田氏生員魏大經妻年二十夫亡事翁姑生死盡禮尤善事繼姑晨昏無間言撫一子一女俱成立苦節三十餘年王氏歲貢生張鼎甲妻夫歿年二十七事姑克盡婦道撫二孤理家政艱苦備嘗年七十四卒

續陝西通志稿

卷一百十三

人物四十

九

李氏母興妻年二十七而寡無子女家尤貧氏守志不移晝夜紡績自養值荒災嘗數日不舉火晏如也後撫螟蛉子爲嗣守貞三十六年

趙氏拔貢劉從龍妻從龍隨父河州訓導任病卒氏年二十一悲痛幾死家人以親老子幼慰止奉老撫孤歷盡艱辛年六十六卒嘉慶時旌

田氏孫我妻年十七歸我越五載我亡子週歲家貧翁姑衰老氏紡織自給甘旨無缺教子有方苦節三十餘年嘉慶二十年旌

田氏胡耀妻年二十三夫亡親老遺子在抱貧難自存氏事親撫孤辛苦不辭梁氏李宗仁妻夫亡年二十五家貧無依饑寒備歷撫子至於成立杜氏李正耀妻夫亡遺孤二長甫免懷次在抱翁姑垂老氏克盡孝養撫二子並成人俱道光八九年旌

侯氏孫振邦妻馮氏趙伯年妻楊氏陳秉禮妻馬氏陳三清妻申氏孫振宗妻牛氏劉喜妻石氏李元妻王氏孫振西妻王氏李鵬年妻閻氏李鳴鳳妻閻氏申如瑞妻楊氏劉中敖妻王氏王義妻梁氏馬龍妻丁氏普彥邦妻俱堅苦矢志勵節到老爲鄉閭所欽重

趙氏田生堯妻夫歿年二十八遺子幼孀姑在堂內外無依氏飲水茹藥慈孝兼盡歷三十餘年馮氏楊生元妻年二十五而寡翁姑垂暮四壁蕭條氏紡績承歡生事死葬盡禮

杜氏劉耀祖妻年二十三夫亡矢志不移奉養翁姑克盡婦道教子成立入成稱有母範趙氏王成章妻年二十四夫亡翁姑俱歿家無成丁撫子成立克振家聲守節五十年俱道光十八年旌劉氏蘇敬妻魏氏馬呈祥妻邢氏張邦彥妻刺氏馬壽妻張氏李茂

續陝西通志稿

卷一百十三

人物四十

十

林妻何氏刺金魁妻俱青年守志家計艱虞奉親撫孤紡績自給道光時先後旌表又吳氏劉旭妻年二十五夫亡堅心守節歷三十年同時亦得旌入祠

魏氏生員陳廷珠妻年十七歸廷珠越三年而寡撫伯氏廷璧子爲嗣奉親孝謹訓子有方年六十而終

李氏陳慶虞妻于歸時年十七越五年夫亡家貧子甫免懷翁患癰而姑亦多疾氏終日垂泣以至喪明然奉親撫子曲盡孝慈不以目故廢禮年五十七終學政以義貫丹青旌之

楊氏張適中妻夫亡年二十七遺二子振海振邦俱幼氏誓矢堅操事翁姑曲盡婦道訓子以詩禮二子俱列膠庠

魏氏劉文炳妻年十九夫亡家貧親老氏婦盡子職歷三十年張氏趙槐妻夫亡年二十一子在襁褓翁姑皆患癰疾氏奉藥餌撫

遺孤孝慈兼盡子亡復撫幼孫成立壽七十七卒

趙氏李晏妻夫亡家貧守義茶苦自甘李氏何凝妻凝亡年二十五家貧無嗣趙氏自食矢志守節三十餘年光緒三年歲大稔自悼無依泣奠舅姑及夫墓還閉戶自經人咸哀之

李氏趙琇妻琇亡年二十家徒四壁無以爲生子振基尙幼氏將茶飲泣撫子成立娶婦晁氏結褵四載振基又亡晁年二十奉孀姑撫遺子備極孝養姑媳相依爲命垂四十餘年學使旌曰雙節侯氏雷成禧妻禧歿氏年十六殯夫之日氏即欲身殉家人救免越日衆稍懈氏遂自經柩前學使表其墓曰節烈可風墓在龍穴下鄉人咸呼烈婦塚云

魏氏閻江妻年十七歸江生子女各一江歿氏年二十五撫孤奉親克盡婦道後子又亡撫幼孫至成立苦節五十二年

續陝西通志稿卷一百十三 人物四十 十一

董氏生員李合芳叔母同治二年回匪亂避賊高密密破被執義不受辱遂遇害王氏劉奇妻同治三年回復至避村外渠中賊搜得之脅與行氏大罵不屈被刺喉死

何氏石瑩妻同治七年回匪掠其家氏執刀當門厲罵賊被叢矛刺死邢氏馬士傑妻堡破士傑被殺氏救夫不獲哭罵益厲亦被

害

李氏魏臨淄妻同治七年回匪至避地窖中賊不得入誘之出不應聚草焚之賊去數日家人掘得其屍已焦頭爛額矣王氏田毓章妻同治七年土匪煽亂氏被執賊欲偕行氏知不免紿曰爾姑待吾取家中物卽至矣歸卽自縊死

張氏孫萬億妻同治七年土匪擾亂地方氏佩刀負子逃途遇賊強奪其子氏度不能免自刎死石氏陳嘉謀妻同治七年回匪竄

村中種楚索金將及其家氏避不及卽棄幼女墜崖死

王氏閻懷妻鄧氏閻渭妻同避回匪高密中密破舉家十八口均死之馬氏劉廷俊妻回匪至被脅不屈賊劈其首死

馬氏劉廷傑妻趙氏張五運妻馮氏韓生富母劉氏吳奉璋妻王氏吳大德妻郭氏馮積玉妻及張永貞女馬登瀛女俱遇賊被執不辱罵賊同死

閻氏生員許朔評妻邢氏魏肄業妻同治七年俱遇賊被執誘降不屈忿怒厲罵自盡死劉烈女劉滌之女亦遇賊被脅不辱忿激投井死

以上俱縣志

校勘兼分纂侯邦楨

續陝西通志稿卷一百十三 人物四十 十二

續修陝西通志稿卷一百十四

人物四十一

列女十四

汧陽

魏氏趙邦彥妻年二十五夫亡遺子于庭在櫺楸家貧紡績撫孤于庭長孝而勤學入泮食餼鄉人賢之邑令李枝秀旌之曰母節子孝學政亦以節孝天植表其閭壽九十五卒于庭以明經任教授卒年八十有二

朱氏庠生趙徵妻即趙邦彥孫媳年十八生子彌月徵病亡氏三日止食欲自盡翁姑委曲諭之遂剪髮嚙指以柏舟自誓守節終身邑令旌曰一門雙節大府亦給貞節嗣徽匾額後子舉明經

呂氏庠生蘇贊育妻年二十生子廣越月夫亡氏茹荼飲冰教子

續陝西通志稿卷一百十四 人物四十一

一

入泮苦節五十年蘇氏呂廷諫妻年二十一夫亡遺子集聖二歲苦志守節四十二年集聖後入泮

蒲氏李甫仁妻孝事翁姑年二十三夫亡鍵戶自縊家人破門入救始甦翁有次子亦殤痛不欲生氏泣勸之並撫甥為嗣翁乃慰翁距母家不數武氏常歸寧食以美饌泣曰翁老矣愧無甘旨以奉兄雖得食安能下咽母知其意每餽之食必再四以進翁值翁病母氏亦病氏每省即歸曰母固傷心然有子有媳我翁何所依耶凡飲食湯藥必親進親嘗及翁歿勺水不入口者數日喪盡其禮哀盡其誠鄉里無不歎服

張氏庠生裴綬妻年二十三夫亡善事舅姑撫育孤兒幽閒貞靜苦節三十五年梁氏馬進喜妻年二十一夫亡誓不他適孝以事姑姑病敬侍湯藥及歿露衣服以資殯葬

宋氏沙成潮妻年二十三夫亡遺二子俱幼父欲令改適氏毅然曰人死等耳何分老少若有後言請終身不復相見無何翁姑去世其夫之姊丈失偶欲娶之內外通媒將奪其志氏告其兄力拒之卒獲終節

李氏魏效徵妻年十九夫亡遺二子長四歲次在腹家極貧撫孤成立苦節四十餘年耿氏高佩妻年二十二夫亡生子方櫺楸氏誓凜柏舟教子成名壽七十餘卒

李氏生員朱必服妻生子歲餘必服亡氏年二十二冰霜矢志教子成人及舉孫子與媳又相繼歿復撫孤孫貞節至死不變冉氏張佐相妻年二十六夫亡遺二子家無生業氏晝樵夜織以育孤兒苦節始終不渝

趙氏生員閻奏妻年二十四夫亡家極貧或欲奪其志則堅拒之續陝西通志稿卷一百十四 人物四十一

二

教子入泮三十年貞操凜凜弗變徐氏武繼文妻年十九夫遠出無耗奉姑以孝稱有族惡逼之嫁氏率二子遷居避之值歲歉吞啖糟糠而其志益堅守貞終身俱嘉慶時旌

冉氏羅景玉妻年二十八而寡遺二子一姪氏紡績撫孤備嘗艱苦撫姪一如己子耕讀傳家壽七十八卒鄔氏武生再適妻年二十二夫亡撫孤有方守節四十三年俱嘉慶時旌

張氏喬伯續妻年二十三夫歿堅志守節事翁姑以孝聞撫子成立壽七十二終蒲氏生員高雅妻夫亡年二十八家無寸畝矢志靡他歷盡辛苦撫孤成立壽七十九卒俱道光時先後旌

陳氏武生王廷玉妻年二十五孀居履困將茶一生無玷壽六十餘卒李氏監生張大功妻年十九夫歿遺子復殤孤苦伶仃貞操至死不渝

馬氏張文略妻年二十三夫亡辛苦撫孤聲聞閭里壽八十三卒
李氏趙森妻夫歿年二十五姑老子天撫嗣子以承夫祧守節四十六年

余氏生員喬鳴盛妻年二十三而寡賦性溫柔貞潔自守歷四十四年人無間言孫氏郭文彩妻夫亡年二十一家貧甘心茶苦守年五十一

楊氏常黻章妻年二十夫亡家貧凍餒時虞事親甘旨無缺喬氏生員尚敏功妻夫歿年二十三矢志食貧守節終身壽七十六卒以上八人俱道光九年旌

武氏劉克章妻夫歿年二十五家貧子幼歷盡艱辛不奪初志苦節三十五年郝氏冉步孔妻夫歿年二十二撫子奉親慈孝兼盡苦節四十六年俱道光間旌

續陝西通志稿卷一百十四 人物四十一

三

羅氏趙木曾妻年二十三而寡事親竭誠育子有方苦節四十年齊氏趙久徵妻年十九歸趙越四載夫亡遺二子孤單無依矢志堅守節柏操卒完俱道光間旌

宋氏常榮宗妻年二十三夫歿遺二子貧無立錫氏誓志全貞撫子成人呂氏蒲榮先妻夫歿年二十翁姑衰老遺子方在繼抱氏紡績助家以資事畜終身不辭勞瘁

馮氏呂成妻年十七適成逾歲成亡遺子甫彌月氏誓死守貞奉親撫子終歲生活悉賴紡績維持齊氏毛鳳儀妻年二十二夫亡上事舅姑下撫遺子及長督之力田家業卒臻小康

王氏党俊妻年二十二夫歿家貧親老遺子尚幼氏茹苦營生孝養舅姑撫子成立壽七十三卒田氏何君妻夫歿翁姑俱老遺子周歲家貧飲冰茹苦貞操弗渝

劉氏李元馨妻年二十一夫歿遺子在襁褓父母謀欲改適氏堅拒不從奉事翁姑媳兼子職鞠育孤子母攝父慈守節四十一年孟氏寇存善妻夫歿無子或勸再醮氏厲色拒之甘貧守志終身不變其操

方氏曹哲妻年二十六夫亡翁姑老遺子二齡氏奉親撫子井臼躬操六十年如一日武氏張日中妻夫歿年二十五遺子幼家極貧母家勸改嫁氏毀面明心未幾子殤痛子失明伶仃終身壽八十三卒以上十人俱道光十一年旌

馮氏蘇登科妻夫亡年二十一子四歲家無儲石氏守志堅定艱苦不渝何氏鄧士彥妻夫歿孝事翁姑撫養孤子紡績恒夜分不寐守節四十七年壽七十三終

宋氏羅集義妻幼稟家訓嫺女經年十九夫亡子方週齡舅姑衰續陝西通志稿卷一百十四 人物四十一

四

老氏冰霜自矢事親撫孤苦節五十一年壽七十卒張氏王世興妻年二十八夫亡孝事翁姑撫子成家歷四十年未嘗出里門一步鄉人敬之壽七十二卒

惠氏張喜儒妻年十九夫亡逾月生子翁姑悲痛相繼歿氏誓死不嫁晝夜紡績撫子至於成立苦節三十一年陳氏武象妻夫歿年二十三遺子幼弱家計窮乏氏守志不移有勸改適者輒面斥之貞操終身如一

沈氏趙長安妻夫歿年二十三孀姑老病遺孤甫免懷家無恒產氏矢志撫養日賴紡績縫紉以供事畜窮困至老無怨言王氏王宣妻年二十一夫亡遺子三月氏立志堅貞教養成人守節六十二年

梁氏賈粹妻年二十七孀居善事舅姑撫幼子守節五十二年王

氏張增元妻年二十七夫亡家貧無子母家以無所出欲另適氏痛翁姑白首侍養無人矢志承歡以體夫志乃取螟蛉子承祧守貞三十九年

閻氏楊繼曾妻夫亡年二十八舅姑以無嗣論改適氏誓守貞操奉事舅姑凡飲食衣服必盡心操作極得歡心鄉鄰咸稱其孝年氏王錫職妻二十二而寡戚某以年少恐不克守諷再醮氏誓天

矢志撫族子以繼夫祀守節三十六年

楊氏冉官妻年二十五夫亡翁姑老邁遺子甫三齡氏矢志守節養親撫孤俾至成立苦節三十八年李氏武連城妻夫歿年二十

五遺子在抱翁姑老且病氏孝慈兼盡及翁姑歿棺槨衣衾皆典質措辦雖貧而克盡其禮

劉氏冉錦妻年二十五夫亡家極貧遺子幼穉氏恒藉紡織度日

續陝西通志稿

卷一百一十四 人物四十一 五

辛苦備嘗撫子卒克成家劉氏耿烈妻夫亡年二十五事翁姑以孝聞撫遺腹子成立劉氏曹乾妻年二十四夫亡事親克孝育子

慈而能嚴端重靜一非親族不獲輕視其面守節四十四年

燕氏李簋珍妻明末寇亂夫妻避賊崖洞間氏有姿容被賊執將掠以行氏不捨其夫賊殺簋珍氏痛哭大罵拋石擊賊抱子墜崖而死

張氏生員任璽妻年二十被賊執給之曰我有子在可引以同行賊從之移數武投崖而死

冉烈女年十六幼失姑祀其伯庠生冉希夔撫之視同己出順治二年賊攻崖洞希夔力敵被害女號天痛哭投崖而死景劉氏嘉慶六年逆匪奔竄入境氏被擄義不從賊被刺死邑令崔宣勸石墓側旌之

韓氏袁維順妻王氏何生玉妻荆氏何潤妻完氏年九昌妻俱遇賊被脅厲罵不屈被殺以死

縣志上

劉氏武生張中甲妻夫亡二子俱幼氏辛勤撫育長習武入邑庠次課農業守節四十九年學使以苦節永貞旌之張氏武生趙中熬妻年二十五夫亡一子尚幼氏撫養成立事姑尤以孝聞壽六十九卒

倪氏趙生桂妻年二十一夫亡有遺腹逾月生子氏艱苦鞠養至

於成人耿氏貢生曹聯芳妻性貞靜夫亡撫二子均入庠余氏雷肇瑞妻夫亡年十九矢志撫孤始終不渝子後食廩餼

李氏呂佐清妻年十八夫亡氏哀毀悲傷死而復生立志事翁姑撫遺子後以哀傷過甚雙目失明苦節四十六年

羅氏耿回娃妻年十九夫出外無耗氏上事六旬衰姑撫養周歲

續陝西通志稿

卷一百一十四 人物四十一 六

孤兒備極辛苦及姑歿露田殮葬生計因益窘迫氏紡績自給教子讀書入泮後子復病歿氏哀慟傷心一月髮白守節四十六年邑令爲表其門

鄧氏文童王上賓妻夫早亡年少無依母家欲令改適氏啼泣聲淚俱下以厨刀自斷食指誓死不改苦節三十餘年晚年念舅姑撫育之恩重其夫墓無志石恐久就湮因俱勒碑以記焉

張氏廩生張寶廉妻年二十夫亡遺子一歲寶廉臥病時囑以撫孤守節奉事翁姑母家以年少欲改嫁氏遂誓絕往來終身不入

母家門葬翁姑皆能盡禮子承母訓早年入邑庠

王氏石明清妻夙嫺婦道夫亡年二十四遺二子藁葬不繼不以

因窮改節教次子入庠孫亦成立倪氏強芳妻年二十孀居事舅

姑以孝聞教子頗有義方守節五十年大府請旌其門

周氏張存誠妻夫亡家計甚艱氏矢志撫孤雖貧而貞操不渝徐氏生員冉繪妻年二十六夫亡翁姑俱老一子尚幼氏孝事翁姑撫養弱子內外人無閒言

隆氏監生雷騰蛟妻年二十六夫亡遺二子氏紡績撫孤至於成人石氏吳萬福妻年十九夫亡遺子甫週齡翁姑顧老氏奉親撫孤不辭勞瘁及子少亡乃撫姪爲嗣終身賢淑貞潔鄉鄰多稱道之

高氏文章李作舟妻年十七生子甫二齡夫亡家極貧窘翁姑以氏年少令改適有巨富聞氏賢謀以重金聘之已有成議氏聞之涕泣不食以死自誓事遂寢氏孝親育子心力交瘁後子娶婦生孫三歲子又亡婦他適氏撫弱孫成立苦節四十五年

任氏張中鏃妻夫亡年二十五翁姑垂白二孤俱幼氏孝事高堂續陝西通志稿卷一百十四人物四十一

七

苦撫遺孤養殯不繼而其志不移長子娶婦又病歿其婦李氏年二十亦守節撫子奉事孀姑家極貧凡飲食蔬菜必適口而後進人咸嘉之稱爲雙節

喬氏尚普妻年二十夫亡守節三十餘年學使以巾幗完人旌之尚氏王經祥妻年二十孀居茹苦撫孤糟糠不厭學使旌以古井盟心

隆氏樊兆勳繼妻年十六許字兆勳花燭之期兆勳染重病扶持行合卺禮及夕兆勳竟亡將死謂氏曰我病至此亦屬天命但誤汝終身我死汝須改嫁氏泣曰上有老母下有前室孤兒妾事親育孤誓死不嫁由是孝慈兼盡苦節五十一年

馬氏樊廷楹妻年二十二夫亡母家利聘金德惠改適氏曰我舅姑衰老二子俱幼若他適誰爲養老恤幼乎矢志守節事親生葬

無嗣禮教二子均成立年七十三卒學政以節孝可風旌之時氏張佐清妻幼承母訓頗著賢名事翁姑極得歡心佐清貿易

出外歷久不歸生子甫八齡值丁酉大饑人以其夫已死勸再醮氏不應曰課耕耘夜勤紡績孝親撫孤費盡苦心不以夫亡而薄於養親不以家貧而疏於教子數十年望夫情切而卒無音耗年七十終守節三十一年

張氏賈恒遠妻年十八夫亡氏矢志靡他孝養舅姑守節五十一年彭雙梅生員彭濟榮女年十六尙未字同治戊辰回匪圍攻五家堡瀕危女泣告其母趙氏曰事急矣可奈何遂投於井其母亦從之而死

倪捨兒倪文煥女十歲時許於王忠義同治壬戌忠義充團勇被擄不返女誓不再婚守貞二十五年夫終未歸卒於母家宋雲霄續陝西通志稿卷一百十四人物四十一

八

生身 繼女年十六許聘未嫁同治七年回匪陷堡女窺賊已入門恐受辱急投井死

范氏張治勳妻有氣節年二十四回匪陷西平堡氏被執厲罵不屈哭從堡垣撲下未死賊以石亂擊之氣絕忽甦復肆罵賊又擊之及賊去家人尋屍入殮兩手掩面身屈如弓不能附棺泣祝移時端正如故蓋存廉恥於未死之前尤能守節操於既死之後大府爲題請豎碑焉

王氏張廷盈妻年十六遇回匪促之上馬氏不從脅以刃村婦旁勸之曰從去可免死氏厲聲曰爾何不從去遂肆口大罵賊以矛刺殺之廷盈又繼娶鄭氏年十八賊破堡被執不屈亦殺死

李氏李如楠妻同治三年賊犯汧原執氏馱馬上行至客店氏撲高崖而死冉氏郭必生妻六年賊復陷村堡氏恐受辱厲聲罵賊

田氏冉巧妻年二十孀居僅遺一子氏艱苦撫孤年六十四賊陷

冉家堡被刺而死章氏張守成妻年二十爲賊所窘撲崖而死

劉氏任好義妻年二十八賊入其家強逼之罵賊投井死朱氏武

生趙維翰妻賊圍樂善堡危急氏恐受陵辱從堡墜壕死

耿氏武生王輔政妻賊掠其家執氏脅從氏肆罵不屈被殺死

張氏楊成兒妻避賊卜泰堡所居小窩旁有危牆賊乘隙來襲氏

陰據牆根執厨刀連砍數賊旣而賊踰牆碎斷其屍而死

李氏李豐妻賊強扶馬上行至窩店溝翻身墮溝死武氏呂豐元

妻賊陷堡氏隨姑出逃爲賊所擄不屈被亂矛刺死

喬氏武童鄧玉妻年十七歸玉事姑極孝年十九夫亡遺子方數

月氏奉姑撫子十餘年備歷辛苦晚得一孫同治七年被賊掠去

續陝西通志稿 卷一百十四 九

氏痛孫情切投崖而死學使以大節弗奪旌之

李氏李隆會母攜子逃難被賊攔斷其子爲賊所掠意欲入賊營

尋覓至審店橋見遍處皆賊墜崖死索氏強金漢妻堡破不從死

附殉難婦女姓名

冉史
氏氏
趙姬
南甲
彌寅
妻妻
尙羅
氏氏
冉趙
成生
桂旺
妻妻
張景
氏氏
冉趙
器益
兒之
妻妻
李張
氏氏
鄭壽
邦純
查修
妻妻

何氏 張玉柱 妻余氏 武廷翰 妻年氏 尙廣兒 妻王氏 職員 錦王 國

周楷妻武氏
鄭德恩妻張氏
張樹德妻謝氏
張裕德妻宋氏
張長得

科生
妻妻
滿李
氏氏
張張
鄭寅
之之
妻妻
劉王
氏氏
張張
信懷
妻德
王妻
氏章
張氏
萬張
德崇
妻德
張妻
氏張
張氏
省省
之開

之妻
女趙
蘭氏
氏張
姜炯
廷之
婦妻
妻奉
蘇氏
氏張
姜鴻
廷之
身妻
妻李
武氏
永何
仙夏
生之
員妻
武蘭
廷眼
翰黑
女蘭
張生

張樹
懷遠
錦張
女萬
張德
妻女
女張
張菊
育英
之張
女樹
張德
妻女
堆張
張莫
萬人
德愛
之張
女樹
陳倫
氏女
劉張
明朱
志英

妻妻
張趙
氏氏
馬唐
天世
龍貴
妻妻
張王
氏氏
王王
丕丕
明祿
妻妻
張張
氏氏
魏趙
福寬
之之
妻妻
趙張
氏氏
李馬
樹產
本堂

李妻
氏王
邢氏
穀郭
儒珍
妻儒
寇妻
氏邢
邢氏
龍李
光景
妻春
徐妻
氏劉
石氏
秀張
珠清
妻妻
胡李
氏氏
馬邢
懷名
兒儒
妻妻

100

[illegible]

11

霜自操紡績奉養不懈及翁姑歿遺叔五歲撫養成人守節三十四年乾隆十一年旌

閻氏廩生胡繼宗妻夫歿年二十九上有七旬孀姑遺一子方九歲氏自誓奉姑養子子年十八復歿孫甫生氏殯葬孀姑撫孫成立艱辛備嘗苦節四十四年乾隆二十一年旌

馬氏趙宗哲妻夫歿年十九痛哭即欲身殉姑以氏有孕委曲止之遺腹生一子慇懃教養克遵庠序守節四十一年乾隆二十四年旌

韓氏生員閻永元妻年二十一夫亡翁姑以氏年少令改適氏跪泣曰婦人從一而終寧違嚴命不敢失節遂紡績自給教子以義守節四十九年乾隆二十五年旌

趙氏生員嚴淑澤妻年二十七夫亡氏剪髮毀容布衣蔬食勤紡績陝西通志稿卷一百十四人物四十一

續以事舅姑家貧如洗處之怡然教諸子克自成立親族咸敬之守節四十一年乾隆二十九年旌

候氏嚴可倉妻年十八夫歿青年矢志足不踰戶者數十年撫繼子如親生人或獎其貞節氏若爲不知者然苦節三十四年乾隆二十九年旌

閻氏吏員張爵妻年十八爵病亡氏日夜痛哭不食送葬以頭觸棺血流滿面見者莫不哀之撫繼子無異親生克底成立苦節三十四年乾隆三十年旌

翟氏曹直妻夫歿年二十四趙氏尹奉德妻夫歿年十九趙氏郭衛邦妻夫歿年二十八邢氏馬志遠妻夫歿年十八王氏郭大治妻夫歿年二十三韓氏沈煥妻夫歿年十七趙氏李天奉妻夫歿年二十二俱青年矢志守節終身乾隆間邑令先後題請給匾

志俱州

孟氏文童張聯陞妻年十九夫亡氏奉翁姑貧不廢禮撫遺孤義以成慈後子培緒死回難媳李氏遺腹生男氏泣謂媳曰汝今以芳年而寡又值米珠薪桂之時守志艱苦十倍於前吾老矣寧自盡以輕汝累減子口以贍阿孫勝於同作餓殍多矣李跪泣止之由是耕織兼營孝慈並盡撫子克底於成孟壽七十終又十年李卒學使兩旌之

李氏文童封允甸妻嚴氏陳克昌妻郭氏陳永時繼妻魏氏庠生陳五瑞妻俱孝養舅姑撫育幼孫井白躬親貞操自勵守節各三十餘年

袁氏稿井熊福有妻年十九夫奉調江右便道入贅禮成去不歸氏寄母家久之父歿氏知同懷不堪終倚賃屋獨處以十指自養續陝西通志稿卷一百十四人物四十一

者又三十年鄰媼嘗以食物饋氏搖手示意若不能言狀一日過午門不啟房主嫗排窗視之則僵臥已死衣皆密縫若待殮者方知多年非真啞乃避壽全貞也卒年七十七邑紳爲殯金請旌入祠焉

劉氏撤全孝母年二十夫歿葬日氏欲身殉家人防止志未遂無何全孝生乃矢志撫孤嘗積針黹減鹽菜權子母以備兒讀書之需卒未如願奮恨以歿苦節四十餘年

李氏丁繼祖繼妻年二十九夫歿只一女氏撫養子以奉夫祀恒藉十指自給及婚嫁後子不克家逃亡出外媳亦改適氏零丁孤苦以終殘年壽七十六卒戚鄰爲請旌入祠

陳氏張義妻年十九夫亡遺子半歲貧無立錫遂依母家紡績撫孤迨子已壯不克成家兼母歿父老其兄又病氏痛極失望自盡

以死戚鄰哀之爲請旌勒石

王氏文童楊煥文妻年十五于歸未週歲夫病歿卜葬先日談笑如平時及次晨見氏著新衣臥急呼已死方知仰藥殉夫後入節孝祠

李氏文童馬頌德妻年二十六夫亡遺一子一女俱幼翁姑老邁主持無人氏日夜伏枕悲泣繼淚以血葬後十日瘳死發其篋凡翁姑所給食物尙封存始知夫死半月水米未嘗下咽也

張氏李孝祥妻年二十夫歿無子女氏暗備殮具而翁姑不知也及葬日氏請送柩姑不忍拂許之及臨穴痛哭躍入以首觸棺而死遂合厝焉學使爲表其墓

尹氏生員荷師姜妻夫歿年二十五遺子三齡孤苦無依遂決志身殉久之形削骨立延至週歲託子於繼姑不食而死

續陝西通志稿卷一百一十四 人物四十一

十三

蔣氏武生李爭先妻年十九夫病歿於鳳翔試所氏矢志事姑已而遺腹生女不育乃立姪爲嗣始素禮佛四十年足不出戶學使旌之

董氏生員馬騰蛟繼妻年二十六夫亡遺三子俱幼氏茹苦鞠撫長業農餘均讀書人泮年七十卒

張氏李爭豔繼妻爭豔年屆周甲目失明自分子息絕望乃撫螟蛉爲嗣及豔歿養子不才氏資遣歸宗捐餘產於五峯書院助膏獎臨終復捐街基一院爲閭邑鄉試資州牧爲勒義婦碑並以巾幗仗義表其閭

馬氏張特立妻特立歿目不瞑氏以撫姪示志已而遺腹生子氏並育成立各授室有孫值歲凶姪憂憤卒媳劉氏泣謂氏曰姑昔守志二十二年有外氏周卹猶備歷三旬九食之慘媳何忍復言

守以增姑累遂不食不語不乳子葬夫三日冥然僵臥死

傅氏李景雲繼妻年十九夫歿欲殉絕食以致小產由此日夜悲泣流血目昏而死田氏陳錦堂妻夫歿年二十二遺幼子一日泣告嫂曰余不欲生惟此一息望嫂撫之遂伏枕不起與數月女嬰並瘞死

何氏田碎來妻年十八夫歿以無子可守葬日仰藥死閻氏馬廷選妻年十八夫歿守貞三十五年李氏梁壽妻年二十一夫歿守節五十一年韓氏趙克甲妻年二十八夫歿守節六十年董氏宋存仁妻年二十六夫歿守節三十九年楊氏張仲選妻年十九夫歿苦節五十二年楊氏道光二十四年旌

李氏文童晁斌妻年二十六夫歿遺子三齡撫育成立壽八十五無疾終楊氏生員閻士楷妻年二十八楷以督勇剿賊陣亡氏扶柩歸葬撫孤守志終身不改其操

續陝西通志稿卷一百一十四 人物四十一

十四

趙氏生員張紹齡妻年二十二夫歿無子撫甥爲嗣以奉祀張氏王國正妻夫亡年十八家貧辛苦撫子成立方生孫子又歿復撫孫至七十五歲孫復歿夫祀終斬鄰人哀之

梁氏陳托托妻夫亡年十九親族以家貧氏年少婉勸改適氏矢志金石毫不爲動性耿介有丈夫氣雖一粟半縷不受人憐恒以針黹紡織自給撫一子一女子娶而天女嫁而孀遂撫姪爲嗣以節終

馬氏朱秩南妻年二十一夫亡家貧無子孀姑年老氏矢志靡他生死盡禮取族子振宗爲嗣茹苦供讀子後食廩餼學使以操凜冰霜旌其門

張氏生員馬文辭妻年十九夫亡無子孀姑衰老氏立志守貞取